

ENDURRIT ÚR GERÐABÓK SÝSLUMANNINS Á HÖFUÐBORGARSVÆÐINU

Þriðjudaginn 1. mars 2016, kl. 15:00, tók Ýr Vésteinsdóttir, fulltrúi sýslumannsins á Höfuðborgarsvæðinu, fyrir að Dalvegi 18, Kópavogi.

Lögbannsgerð nr. 11/2016

Gerðarbeiðandi: Rio Tinto Alcan á Íslandi hf., kt. 680466-0179,
Straumsvík, 220 Hafnarfirði

Gerðarþoli: Verkalýðsfélagið Hlíf, kt. 620169-3319
Reykjavíkurvegi 64, 220 Hafnarfirði

Fyrir gerðarbeiðanda er mættur Ragnar Tómas Árnason hrl. og með honum Rannveig Rist forstjóri gerðarbeiðanda.

Lögmaður gerðarbeiðanda leggur fram: Lögbannsbeiðni ásamt fylgiskjölum, merkt nr. 1-4 auk yfirlits yfir hliðsjónarrit (sjá beiðni).

Gerðarbeiðandi krefst þess að lagt verði lögbann við því að gerðarþoli hindri starfsemi gerðarbeiðanda með aðgerðum aðila á vegum gerðarþola, hvort sem þeir eru félagsmenn í gerðarþola eða öðrum félögum eða samtökum. Nánar tiltekið er þess óskað að lögbann verði lagt við hindrun á vegum gerðarþola við störfum tiltekinna 35 stjórnenda og stjórnarmanna gerðarbeiðanda við útskipun áls um borð í skip í Straumsvíkurbörn (sjá upptalningu stjórnenda og stjórnarmanna í beiðni).

Gerðarbeiðandi leggur fram tryggingu, kr. 1.500.000,- til bráðabirgða, skv. 3. mgr. 8 gr. laga 31/1990, sem sýslumaður metur fullnægjandi.

Fyrir gerðarþola mætir Björn L Bergsson hrl.

Lögmaður gerðarþola leggur fram greinargerð sína ásamt fylgiskjölum 1-2 auk yfirlits yfir dóma og rit sem gerðarþoli styður mál sitt við.

Lögmaður gerðarþola lýsir því yfir að gerðarþoli fallist á að Auðunni G. Guðmundssyni, kt. 240958-2529, sé heimilt að ganga í störf verkfallsmanna. Þar sem aðilar eru sammála um þennan lið í kröfugerð gerðarbeiðanda telur sýslumaður óþarft að beita lögbanni hvað þann lið varðar.

Aðilar eru sammála um að gera hlé á fyrirtökunni og fresta henni til kl. 17:30
Kl. 17:30 er gerðin tekin fyrir að nýju og fyrirtökunni fram haldið.

Gerðarþoli mótmælir því að lögbann verði lagt á. Gerðarþoli telur ekki heimilt að beita lögbannsúrreðinu þar sem úrlausnarefnið heyrir undir félagsdóm, skv. lögum 80/1938. Gerðarþoli telur skilyrði lögbanns skv. 24. gr. laga um lögbann ekki vera uppfyllt. Ákvæði lögreglulaga nr. 90/1996 komi í veg fyrir að lögbanni yrði haldið uppi.



Fulltrúi sýslumanns telur reglur um félagsdóm ekki standa því í vegi að lögbann verði lagt við ólögmætri verkfallsvörslu, sbr. niðurstöður í dómum héraðsdóms Reykjavíkur í málum nr. 4691/2000 og 4692/2000. Gerðarbeiðandi telji verkfallsvörsluna ólögmeða gagnvart þeim aðilum sem hann tilgreinir í lögbannsbeiðni sinni, tölulið 1-35. Sýslumanni sé rétt að verða við kröfu gerðarbeiðanda um lögbann telji hann sennilegt að verkfallsvarsla gerðarþola brjóti gegn lögvörðum hagsmunum gerðarbeiðanda.

Gerðarþoli telur einungis þrjá aðila hafa beint boðvald yfir þeim starfsmönnum sem í verkfalli eru. Þeir aðilar séu forstjóri, sviðstjóri fjármála og leiðtogi hafnarvinnu og kersmiðju. Gerðarþoli telur öðrum yfirmönnum eða stjórnarmönnum í fyrirtækinu ekki heimilt að ganga í störf verkfallsmanna.

Gerðarbeiðandi ítrekar kröfu sína um lögbann og telur öllum þeim sem taldir eru upp í beiðni gerðarbeiðanda heimilt að ganga í störf verkfallsmanna.

Samkvæmt 1. mgr. 24. gr. l. nr. 31/1990 má leggja lögbann við byrjaðri eða yfirvofandi athöfn sanni gerðarbeiðandi eða geri sennilegt að athöfn sú, sem krafist er lögbanns við, brjóti eða muni brjóta gegn lögvörðum rétti hans.

Með vísan til framlagðra gagna og þeirra sjónarmiða, sem fram hafa komið í máli þessu, telur Sýslumaðurinn á Höfuðborgarsvæðinu að skilyrði 24. gr. l. 31/1990 séu uppfyllt hvað varðar hluta af kröfu gerðarbeiðanda. Sýslumaður fellst ekki á kröfu gerðarbeiðanda hvað varðar þá aðila sem taldir eru upp í beiðni gerðarbeiðanda í töluliðum: 2, 4, 5, 8, 9, 10, 11, 12, 13, 15, 17, 18, 20, 21, 22, 23, 24, 25, 26, 27, 29 og 30.

Sýslumaður fellst á kröfu gerðarbeiðanda hvað varðar þá 12 aðila sem taldir eru upp í töluliðum 3, 6, 7, 14, 16, 19, 28, 31, 32, 33, 34 og 35. Þeir sem taldir eru upp í þessum töluliðum séu allt aðilar í framkvæmdastjórn eða stjórn gerðarþola eða staðgenglar. Þessir stjórnarmenn og stjórnendur séu allir í þannig stöðu hjá gerðarbeiðanda að það sé í þeirra valdi að taka ákvarðanir eða taka þátt í ákvörðunum sem geti varðað starf og starfsaðstæður þeirra starfsmanna sem nú eru í verkfalli. Þeir séu þannig starfsmenn og stjórnendur sem fara með vald yfir þeim sem nú eru í verkfalli.

Lögmaður gerðarþola mótmælir því eindregið að stjórnarmenn geti haft þannig vald yfir störfum verkfallsmanna að þeir megi ganga í störf þeirra í verkfalli. Sama eigi við aðra í framkvæmdastjórn gerðarbeiðanda en þá sem gerðarþoli hefur fallist á.

Sýslumaður leggur, að kröfu gerðarbeiðanda, lögbann við því að gerðarþoli hindri starfsemi **Rio Tinto Alcan á Íslandi hf.** með aðgerðum aðila á vegum Verkalýðsfélagsins Hlífar, hvort sem þeir eru félagsmenn í gerðarþola eða öðrum félögum eða samtökum. Nánar til tekið er lagt lögbann við hindrun á vegum Verkalýðsfélagsins Hlífar við störfum eftirtalinna stjórnenda og stjórnarmanna gerðarbeiðanda við útskipun áls um borð í skip í Straumsvíkurböfn:

Birna Pála Kristinsdóttir, kt. 091267-5519
Sigríður Guðmundsdóttir, kt. 251281-7189




Einar Aron Einarsson, kt. 190479-5529
Jakobína Jónsdóttir, kt. 110860-5799
Sigurður Egill Þorvaldsson, kt. 310572-4979
Árni Örn Stefánsson, kt. 020466-5619
Gaukur Garðarsson, kt. 191174-4969
Katrín Pétursdóttir, kt. 230562-2109
Þórður Reynisson, kt. 270580-3869
Alain Crapart, kt. 120656-2799
Sonia Lacombe, kt. 050965-2879
Jean-Francois Malleville, kt. 161070-2899

Mættum er kynnt efni þessarar bókunar sem engar athugasemdir eru gerðar við.

Þannig fram farið:

Ýr Vésteinsdóttir (sign)
Ragnar Tómas Árnason (sign)
Björn Bergsson (sign)
Ranveig Rist (sign)

Rétt endurrit staðfestir Sýslumaðurinn á Höfuðborgarsvæðinu 1. mars 2016


Ýr Vésteinsdóttir